

CASA
* DI E
LINGUE

PRUGRAMMA **GHJENNAGHJU > MARZU**

Puntellu di a pulitica culturale di a Cità di Bastia, v'accoglie a Casa di e Lingue inde un quattru cunviviente è vivu chì vole rispechjà l'ambizione per issu terzu locu novu : un spaziu di adunita, di scontru è di tramandera chì vole mette à l'onore u plurilinguèsimu è a diversità culturale.

un lieu **ressource** pour les acteurs privés souhaitant intégrer la **langue corse à leur projet économique ou associatif.**

une offre plurielle et ouverte accueillant **3 associations** sédentaires : Praticalingua, Canopé, et la Fondation du Patrimoine.



un lieu de **programmation culturelle** à destination de tous les publics, initiés et débutants.

un lieu d'apprentissage **A Scola Internazionale di e Lingue.**

un espace **pédagogique à destination de toute la jeunesse** du territoire : écoles, centres aérés...

L'ATTORI SEDENTARI DI A CASA DI E LINGUE

Fondation du patrimoine

A Fundazione di u patrimoniu, è a so delegazione corsa hè un urganisimu à ghjuvare pùblicu è micca lucrativu. A so missione hè di aiutà i prupietarii ch'elli sianu cullettività, particulari o puru associ, da ch'elli pòssinu investe in Corsica. Stràdanu ogni prugettu per truvà i finanziamenti pùblichu è privati da chì u nostru patrimoniu culturale diventi opportunità d'impiegu, di scupertu, d'educazione è di leia.

Praticalingua

L'associ Praticalingua hè un centru d'amparera è di pratica di u corsu in immersione. Hè un locu 100% cursòfunu induve vo pudete stà à sente, dumandà rinsignamenti o cunsigli è soprattutto mettevi à parlà corsu à u vostru ritimu. Per scopre, per praticà o puru per tramandà chì l'impegnu di tutti hè preziosu. Sò più di 120 mòduli di furmazione scumpartuti in 40 attelli.

Praticalingua Bastia : ☎ **07 88 16 51 35**

Réseau Canopé

Prima cunnisciuta cù u nome CRDP, a struttura Canopé di Corsica face parte di a Rete Canopé nazionale, dedicata à a furmazione è l'accompagnamentu di l'insegnanti. U Canopé di Corsica sò quasi cinquant'anni à u serviziu di tutta a cumunità sculare è di a lingua corsa : manuali, libri di fole, di puesia, filmetti, puntelli sunori, arnesi per tante materie, un lessicu ricchissimu è tant'altri puntelli.

Scola Corsa

Associ di prumuzione di a lingua è di a cultura corsa, Scola Corsa sviluppa un retale di scole d'insignamentu immersivu. Quattru stabilimenti sò digià stati aperti in Bastia, Biguglia, Corti è Sarrula è Carcupinu. À a rientrata 2023, scularizeghjanu 110 zitelli.

FONDATION



DU
PATRIMOINE



Praticalingua
lingua face populu





GHJENNAGHJU :

Ghj. 09.01.2025 > **6 ore di sera**

[MÙSICA È MACAGNA] >

S'AFFACCA À HUBERT TEMPÊTE

Una voce ùnica è un sonu di chitarra rarissimu. S'affacca Hubert Tempête à pregacci à tutti una bona annata in fole è in canzone.

Mar. 14.01.2025 > **6 ore di sera**

[CUNFERENZA] > A PULÌTICA DI RIVITALIZZAZIONE DI A LINGUA BASCA

Eguzki Urteaga professore di suciulugia à l'Università di u Paese Bascu in Vitoria venerà à parlacci di a pulitica di rivitalizzazione di a lingua basca in Euskadi.

Ven. 17.01.2025 > **6 ore di sera**

[LITTERATURA] > INGIRO À L'OPERA DI MARCU BIANCARELLI

L'opera di Marcu Biancarelli presentata da Anghjulusantu Pietrera. Cù a presenza di u pueta, rumanzieru è dramaturgu di prima trinca ch'averemu l'onore di riceve in Casa di e lingue.

Ghj. 23.01.2025 > **6 ore di sera**

[CUNFERENZA] > DA A MEDITERRANEITA À A CUMUNITA MEDITERRANEA

In partenariatu cù l'Università di Corsica è l'UMR LISA cù a partecipazione di Deborah Certo chì ci parlerà di e pràtiche musicale di u Mediterraniu.

Ghj. 30.01.2025 > **6.00 di sera**

[GHJOCU] > Burger Quiz

Pronti à ride è à ghjucà ? A Casa di e Lingue t'invita à u Burger Quiz Nustrale cù Brandon Andreani ! Affaccati cù a to squadra o sciaccati in u pùblicu, è rispondi à e dumande e più pazze in lingua corsa ! Eppo ride !



FERRAGHJU :

Ven. 07.02.2025 > **6 ore di sera**

[MÙSICA ROCK] > SNAIL

U rock s'affacca in Casa di e Lingue cù Snail. U gruppu bastiaciu ci face scopre u so terzu discu Renaissance. Un intrecciu di lingua corsa, taliana è inglese à ùn mancà cù sta furmazione chi a si face valè dapoi qualchi annu avà nantu à e scene isulane.

Lun. 10.02.2025 > **6 ore di sera**

[LITTERATURA] > JEROME FERRARI INGIRO À NORD SENTINELLE

In presenza di l'autore, Anghjulusantu Pietrera ci presenta l'ultimu rumanzu Nord Sentinelle di Jérôme Ferrari, vincidore in u 2012 di u premiu Goncourt cù u so rumanzu Le sermon sur la chute de Rome.

Ven. 14.02.2025 > **6 ore di sera**

[SAN VALENTINU] > E PIÙ BELLE CANZONE D'AMORE

Ti piace a musica eppo u ghjocu ? Si un lover ma quessa po, nimu ùn la sà ? Veni è sfida à Thomas Bronzini cun un Blind Test 100% canzone d'amore ! Poi ancu vene à pusà è à stà à sente, senza ghjucà.

Ven. 21.02.2025 > **6 ore di sera**

[FESTA DI A LINGUA MATERNA]

A Cità di Bastia vole mette à l'onore quist'annu a lingua è a cultura amazighe. Un cuncertu di u gruppu Anima Terrania è una cunferenza vi seranu proposti.



MARZU :

Ghj. 06.03.2025 > **6 ore di sera**

[MUSICA INTERNAZIONALE]

Lingua corsa è intelligenza emuzionale

Capimachja di u gruppu I Muvrini ch'omu ùn presenta più, u cunniscimu dinù à Ghjuvanfrancescu Bernardini attraversu à l'azione culturale, sucetale è suciale ch'ellu avvia cù a Fundazione Umani. A lingua corsa ch'ellu face viaghjà dapoi tant'anni ferma una battaglia è una sfida tamanta per issu dumane, inghjochi è prospettive da cuntrastà in Sant'Anghjuli.

Sab. 08.03.2025 > **6.00 di sera**
[GHJURNATA DI A DONNA] >
I MAISTRELLI

U gruppu pulifònicu femminile aiaccianu s'invita in Bastia à a Casa di e Lingue. Voce graziose è sensuale da festighjà a ghjurnata internaziunale di e donne.

Ven. 14.03.2025 > **6.00 di sera**
[MÙSICA] > MÙSICA, CANTU È
BALLU CÙ I SONI DI U TAMBURU
NAPULITANU

U gruppu napulitanu A parianz ro Leone, accompagnatu da Chiara Annunziata per a voce è d'Ariane Giudicelli per u ballu, ci pruponenu un cuncertu di mùsica tradiziunale di u mondu popolare è paisanu di u centru è di u meziornu di l'Italia. Serà messu à l'onore a tammurriata, mùsica è ballu tradiziunale di Campania, a regione di Napoli. Una mùsica festiva assai cù i so balli ritimati.

Ven. 21.03.2025 > **6.00 di sera**
[STORIA] > A CORSICA DI
L'INTERNU À U 19^u SECOLU

Ci ciuttemu in a vita di tandu incù una visita virtuale di Tapònzoli, paisolu di Merusaglia. In u decoru fattu à muri di petre, u so mulinu è a so carriera à màcine, ghjè un museu à celu apertu ! U spechju d'una vita di tandu trà agricultura è sapè fà. Da scopre o da turnà à scopre incù Flavie Guerrini, guida cunferenziera è agricoltrice

Mer. 26.03.2025 > **da 10 ore à 5**
ore di sera

[MOSTRA PERMANENTE] >
STORIA DI A LINGUA CORSA

Ghjurnata festosa cù animazione pedagògiche, scuperta è visita di a prima mostra permanente di a Casa di e Lingue ingiru à a lingua corsa.

Ghj. 27.03.2025 > **6.00 di sera**
[CUNFERENZA] > E RELIGIUSITÀ
PUPULARE

In partenariatu cù l'Università di Corsica è l'UMR LISA, Dominique Verdoni, Angelina Antonetti è Petrufrancescu Marchiani ci parleranu di religiosità popolare in Corsica è in altrò

* Programme à retrouver sur

agenda.bastia.corsica



SCOLA INTERNAZIONALE DI E LINGUE

A Scola Internazionale di e Lingue puntelleghja i so principii d'insignamentu nant'à u multilinguismu. Sopr'à locu, si serve omu di a lingua corsa cum'è lingua arnese da praticà un'altra lingua ogettu di studiu.

A maiò parte di a ghjente in u mondu parla parechje lingue è a medità di a pupulazione mondiale hè à minimu bislingua.

A Scola Internazionale hè un'oportunità per tutti i publichi d'affrancassi da u schema monolingu francese purghjendu à ognunu un accessu faciulitatu à u plurilinguismu.

A lingua corsa face parte di a famiglia di e lingue rumaniche chi conta una miliarda di locutori in u mondu. A piena integrazione di a lingua corsa in a so aghja linguistica apre prospettive di sviluppu di ogni generu. Al di là di un metudu pedagogicu chi permette d'amparà un sapè fà o una pratica artistica, l'immersione hè un mezu da liberà a parolla è porta à a spressione sciolta di una lingua.

U metudu segundu qualessu « a pratica vince a grammatica », puntellatu nant'à u prammatisimu è l'amparera à fette porghje risultati efficienti in a pratica reale più chè teorica di a lingua ogettu.

A scelta di i furmadori, a multiplicità di i modi d'amparera è a diversità di e tecniche d'insignamentu propie à ogni lingua è paesi accrescenu e pussibilità di prugressi per l'amparanti.

L'intercomprensione è a sazietà di i bisogni linguistichi necessari à a cumunicazione plurilingua trà lingue neolatine permettenu di rompe l'idee precuncepate è cum'è omu si figura e lingue di modu stantartatu è monoliticu.

E lingue sò vive perchè sò in mossa, fè mune altrettantu !

Marti da 6 à 8 ore di sera : Corsu d'inglese

Mèrcuri da 6 à 8 ore di sera : Corsu di italianu

Ghjovi da 6 à 8 ore di sera : Corsu di spagnolu & catalanu

Vènnari da 6 à 8 ore di sera : Corsu di mandarinu

* Programme à retrouver sur

agenda.bastia.corsica



CASA * DI LINGUE

**Carrughju Sant'Anghjuli
20200 Bastia**

Ouverture
du lundi au jeudi
8h-12h / 13h30-20h
et le vendredi
8h-12h / 13h30-17h



Casa di e lingue



@casadielingue

CONTACT

Administrateur

Alex NEGRONI

☎ 06 17 06 08 49

✉ anegrone@bastia.corsica

✉ lingua-cultura-corse@bastia.corsica

www.bastia.corsica

